

Zjuulke zeuthout

Koeplèt:

Dit is 't verhaol vaan Zjuulke Zeuthout,
E menneke, zoe sjoen en fien.
Altied in 't pak, kravat, wit beurtsje,
Meh ouch zoe druug wie druuge wien.
Heer is de bèste vaan alle klerke,
Gans Zuuzaoete is met häöm gebaard.
Zès daog per week zit heer te werke,
Vaan s'mörregesvreug tot s'ovends laat.

Refrein:

Meh s'zaoterdags nao 't werrek,
Geit Zjuulke nog neet nao bed.
Daan veult heer ziech zoe sterrek,
Es zenger aon 't buffèt.
Daan zingk heer de bovenste toene,
Daan is heer de lolligste vent.
Ut is unne boetegewoene,
Dat Zuuzaoetse zangtalent.
Zoe geit dat nog lang mèt diech doore,
De kaffee keump daan neet mie stop,
En tot in de laate ore,
Steit Zuuzaoete op ziene kop.

Koeplèt:

Op zekeren daag veel Zjuulke Zeuthout,
D'n trap umlieg, noe löp h'r maank.
Ut buffèt bleef leeg, de stumming zakde,
Gans Zuuzaoete misde ziene zaangk,
De kasteleijn is toen goon spaore,
Ut ganse dörrep, eedereijn deeg mèt.
Me wouw zoe geer die lol bewaore,
Noe heet 'r 'n lif nao 't buffèt.